

POLELO YA PHATLALATŠO YA DITABA YA MABAPI LE MOLATO WA MOTŠHELO WA SHL WHOLESALERS KA KGOROTSHEKO

Tshwane, 7 June 2024 — Ba Ditirelo tša Motšhelo tša Afrika Borwa (SARS) ba tiišetša gore Gauteng South Regional Division e golegile Suhayle Ballim, leloko le le noši la SHL Wholesalers CC (SHL) mengwaga ye 15 thwii kgolegong bakeng sa go menetša setheo. Ballim o latofaditšwe ka molato wa maikemišetšo a go dira kišontle ya dithoto go tšwa ka Repaboliki ya Afrika Borwa go ya dinageng tše dingwe tša ka Afrika (dikišontle tša sepoko) tšeo mafelelong yena le SHL ba tleleimilego Motšhelo wa Boleng bja go Tlaleletšwa (VAT) tšeo e bego e se tša maleba. Kgetsi e tšeere mengwaga ye 14 go e feleletša ka kgorotsheko ka lebaka la ditiego tšeo di bakilwego ke Ballim bjale ka ge di šupeditšwe ke maseterata yo a bego a sepetša molato.

Ballim le SHL ba rometše dipušetšo tša go fošagala tša VAT 201 tša dibaka tše 39 tša VAT go tloga ka Febereware 2004 go fihla ka Aprele 2007, fao sephetho sa dithoto tšeo di laodišitšwego di rekišeditšwego bareki ba Mozambique gomme di feditše di dirile phepo ya tekanyo ya lefela, yeo mafelelong, e phethilwego ka dipušetšo tša VAT tša bofora tša palo ya R15 607 587.86 yeo e lefetšwego ke SARS.

Dinyakišišo, tšeo di bego di eteletšwe pele ke Yuniti ya SARS ya Dinyakišišo tša Bosenyi, di akareditše diopareišene tša dipuruputšo tša go setšha le go tshwara, tšeo di dirilwego meagong ya kgwebo le legaeng la praebete la SHL le Ballim ka tatelano, fao go utullotšwego ditokumente tša kišontle tša go fošagala, mananetheko, ditsebišo tša thomelo, ditokumente tša tshepetšo ya dithoto le ditšhupamolatsena tša kišontle (DA550). Ballim o dirišitše tšhelete go tšwa go ditefelamorago tša bofora go lota setlwaedi sa bophelo bja gagwe bjale ka mosaeni a le noši wa akhaonte ya panka ya SHL.

Khomišinare wa SARS, Mrn. Edward Kieswetter, o lebogile SARS le dietšensi tše dingwe tša tiišetšo ya molao, go akaretša Taolo ya Botšhotšhiši bja Setšhaba le Ditirelo tša Maphodisa tša Afrika Borwa bakeng sa boikgafo bja go kgonthiša gore Ballim le SHL ba a golegwa bakeng sa mediro ya bona. O boletše gore, “Molaetša o tloga o kwagala gore SARS e ka se khutše goba e ka se kgotlelele bao ba tšwelago pele ka bosenyi gomme ba gatelela fisikase ya naga ka go e hlokiša tšeo di e lebanego. Balefela motšhelo bao ba phelago maphelo a maemo a godimo,

go feta ka fao ba ka kgonago, ka go utswetša setšhaba seo se gogago boima ba swanetše go lebana le ditlamorago; SARS e tla thatafaletša le go lefiša dikotlo tša godimo go bao ba amegago go ditiragalo tša bosenyi”.

Go hwetša tshedimošo enngwe, ka kgopelo ikgokaganye le SARS go SARSMedia@sars.

BOFELO